



UNCL
BE

... 元 ...
... 州 ...
... 年 ...
... 月 ...
... 江 ...
... 路 ...
... 及 ...

... 志 ...
... 卷 ...
... 之 ...
... 六 ...
... 十 ...
... 九 ...

持

門 九 5
號 3537
卷 46

重修揚州府志卷之六十九

事略志五

元



世祖至元十二年閏三月置淮南江北等處行中書省

於揚州

元史百官志八

立真州安撫司

元史地理志二

十四年春正月丙辰置江淮等路都轉運鹽使司及江

淮榷茶都轉運使司

元史世祖紀六

三月壬子寶應軍人施福殺其守將降詔以福為千戶

同上

秋七月丙午置行御史臺於揚州

同上

改立揚州眞州泰州高郵路總管府

元史理志

十五年三月乙未命揚州行省選鐵木兒不花所部兵

助隆興進討

元史世祖紀七

秋七月癸巳以揚州舟師付水軍萬戶張榮實將之

同上

丁酉命揚州行中書省分軍三千付李恒

同上

十一月丁未立淮東宣慰司於揚州

同上

案元史於是日又云行中書

省自揚州移杭州攻後十六年詔揚州行中書省選軍

充侍衛十八年給揚州行省新附軍校鈔十九年鎖繫

忽辛赴揚州鞫治忽辛乃揚州行省平章則行中書省

固未移也至二十一年始移杭州此史誤續宏簡錄削

是之良

十六年二月癸未以征日本敕揚州造戰船

同上

四月癸卯詔揚州行中書省選南軍精銳者二萬人充

侍衛并發其家赴京師

元史世祖紀八

十七年六月壬辰江淮等處頒行鈔法廢宋銅錢

戊戌阿合馬矯殺江淮平章阿里伯右丞燕帖木兒

崔

先是崔斌摘發阿合馬姦蠹海內稱快未幾斌遷江

淮行省左丞阿合馬慮其害已乃誣搆斌與平章阿

里伯右丞燕帖木兒盜官糧四十萬及擅易命官八

重刊揚州府志 卷之六十九 事略五

百餘員命都事劉正等往按獄弗具復遣參政張澍

等雜治十二月庚午並殺之

王宗沐續鑑元紀一案續鑑月日與邵錄不

同攷元史姦臣傳止載年分未知二書孰是崔斌冤獄斌本傳亦不詳具劉正傳

崔斌字

仲文馬邑人善騎射尤攻文學世祖命佐卜隣吉帶

將遊騎戍淮南兵駐揚州西城斌領騎兵視敵兵亂

潛出擊之多所殺獲至元十年進資善大夫行中書

省左丞十五年被召入勤時阿合馬擅權日甚斌極

言姦蠹無不稱快尙書雷夢炎謝元昌言江淮行省

事至重而省臣無一人通文墨者乃命斌遷江淮行

省左丞既至人前日蠹國漁民不法之政悉釐正之

仍條具以聞阿合馬慮其害已招撫其細事遮雷使

不得上見因誣搆以罪竟爲所害天下冤之

元史斌本傳

十八年秋七月賜貴赤合八兒禿所招和真滁等戶二

千八百二十俾自領之

元史世祖紀八

冬十月壬子用和禮霍孫言於揚州置蒙古提舉學校

官二員

同上

十九年夏四月丁酉遣揚州射士戍泉州

元史世祖紀九

秋七月戊午朔立行樞密院於揚州

同上

省宣慰司以本路總管府直隸行省

元史地理志二

二十年五月甲子徙揚州淘金夫赴益都七月丁卯罷

淮南淘金司以其戶還民籍

元史世祖紀九

二十一年二月辛巳參知政事征緬沒揚州漕河

元史世祖

紀十

戊申徙江淮行省於杭州

同上

復立淮東道宣慰司

元史地理志二

夏四月丁丑忽都虎烏馬兒劉萬戶等率揚州省軍二

萬赴唆都軍前遇風船散其軍皆潰

元史世祖紀十

閏五月丙戌行御史臺自揚州遷於杭州

同上

秋七月復揚州管匠提舉司

同上

二十二年二月乙巳改江淮元帥招討司為上中下三

萬戶府高郵為上萬戶真州為中萬戶揚州泰州弩手

保甲為下萬戶

續宏簡錄三

九月乙亥聽民自實兩淮荒田免稅三年

元史世祖紀十

二十三年秋七月庚午徙江淮行省於揚州立洪澤南

北三屯於淮南之白水塘

續宏簡錄三

江淮行省忙兀帶言今置省杭州兩淮江東諸路財賦軍實皆南輸又復北上不便揚州地控江海宜置省宿重兵鎮之且轉輸無往返之勞行省徙揚州便

從之

元史世祖紀十一

廢宣慰司

元史地理志二

二十四年十二月丁卯減揚州省歲額米十五萬石以

鹽引五十萬易糧元史世祖紀十一

二十五年春正月丙午以平江鹽兵屯田於淮東西元史

世祖紀十一

癸丑置淮東道勸農營田司同上

二十六年二月癸亥徙江淮省治杭州改浙西道宣慰

司為淮東道宣慰司治揚州同上

夏四月戊午省江淮屯田打捕提舉司七所存者徐邳

海州揚州兩淮淮安高郵招信安豐鎮巢蘄黃魚網石

湫猶十二所同上

五月行御史臺復徙於揚州同上

二十七年十一月江淮行省平章不憐吉帶言揚州建

康鎮江三城跨據大江人民繁會宜置七萬戶府從之

王宗沐續鑑元紀三案不憐吉帶即卜憐吉帶

二十八年春正月辛酉罷江淮漕運司并於海船萬戶

府由海道漕運元史世祖紀十三

二月丙戌詔江淮行省遣蒙古軍五百漢兵千人從皇

子鎮南王鎮揚州同上

世祖第九子脫歡以討安南無成功終身不許見遂

封鎮南王出鎮揚州元史帖木兒不花傳案脫歡於至元二十一年已封鎮南王

鎮鄂州又鎮南京再徙揚州其封王
在討安南前此云遂封語意小誤

江淮豪家多行賄權貴為府縣卒史容庇門戶遇有差

賦惟及貧民詔江淮行省嚴禁之
元史世祖紀十三

五月壬寅徙江淮行樞密院治建康
同上

秋七月己未移楊子縣治新城
同上

罷江淮人匠提舉司
同上

二十九年淮東廉訪司移揚州
元史崔彧傳案廉訪司舊治淮安

三十年春正月甲戌河南江北行省平章伯顏言揚州

忙兀臺所立屯田為田四萬餘頃官種外宜聽民耕墾

揚州鹽轉運一司設三重官府宜削去鹽司止留管勾

詔從其議
元史世祖紀十四時揚州改隸河南行省案忙兀臺即忙兀帶

戊寅詔舊隸乃顏勝答兒女直戶四百虛糜廩食令屯

田揚州
同上

夏四月江南行大司農司自平江徙揚州兼管兩淮農

事
同上

成宗大德元年二月癸卯徙揚州萬戶鄧新軍屯蘄黃

元史成宗紀二

三月庚寅立江淮等處財賦總管府及提舉司
同上

閏十二月甲申增兩淮屯田軍為二萬人
同上

二年二月庚寅以兩淮閒田給蒙古軍
同上

四年春正月癸卯復淮東漕渠元史成宗紀三

五年鎮南王脫歡薨子老章襲封元史諸王表

八年秋七月辛酉罷江淮等處財賦總管府元史成宗紀四

十年春正月庚戌浚真揚等州漕河令鹽商每引輸鈔

二貫以為備工之費同上

武宗至大三年十一月鎮南王老章出入導衛僭竊上

儀遣官詰問十二月召赴闕元史武宗紀二

仁宗皇慶二年秋七月己酉改淮東淮西道宣慰司為

淮東宣慰司以淮西三路隸河南省元史仁宗紀一

延祐元年十二月庚子遣官浚揚州淮安等處運河元史

仁宗紀二

四年五月壬午高郵真州等處流民羣聚持兵抄掠救

所在有司其傷人及盜者遣之餘並給糧遣歸元史仁宗紀三

冬十月己酉給兩淮屯田總管府職田同上

十一月己卯復浚揚州運河同上

五年三月乙亥增給兩淮運司分司印元史英宗紀一

七年夏四月增兩淮田賦斗加二升元史英宗紀一

英宗至治二年三月癸酉兩淮諸郡饑禁釀酒元史英宗紀二

十二月丙寅增鎮南王脫不花戍兵同上案脫不花

大三年召赴闕未知何時還鎮及脫不花何年襲封史文皆無攷

重刊易州府志 卷之六十一 事略五 七

三年秋七月己酉免江淮增科糧同上

泰定帝泰定元年冬十月眞州珠金沙河淤塞詔有司

備民丁浚之元史泰定帝紀一

二年十二月乙酉鎮南王脫不花薨遣中書平章政事

乃馬歹攝鎮其地同上

三年十一月戊午封諸王帖木兒不花爲鎮南王出鎮

揚州元史泰定紀二

帖木兒不花脫歡第四子鎮南王脫不花薨子孛羅

不花幼帖木兒不花乃嗣爲鎮南王元史帖木兒不花本傳

文宗天曆二年夏四月丙午封孛羅不花爲鎮南王冬

十月丙戌遣孛羅不花還鎮揚州元史文宗紀二

十二月乙未改封前鎮南王帖木兒不花爲宣讓王同上

初鎮南王脫不花薨子孛羅不花幼帖木兒不花乃

嗣爲鎮南王天曆二年孛羅不花已長帖木兒不花

請以位復還孛羅不花朝廷以其讓而不居也改封

宣讓王移鎮廬州元史帖木兒不花傳

至順二年冬十一月戊寅樞密院臣言天曆兵興以揚

州重鎮嘗假淮東宣慰司以兵權今事已寧宜以所部

兵復隸河南行省元史文宗紀四

順帝元統元年冬十月乙酉詔以高郵府爲伯顏食邑

元史順
帝紀一

至正元年三月庚戌罷兩淮屯田手號打捕軍役令屬本所領之元史順
帝紀三

七年九月甲子集慶路盜起鎮南王孛羅不花討平之元史順
帝紀四

兩淮運使宋文瓚言江陰通泰江海之門戶鎮江眞州次之國初設萬戶府以鎮其地今戍將非人致使賊艦往來無常集慶花山劫賊才三十六人官軍萬數不能討反爲所敗後竟假手鹽徒雖能成功豈不貽笑宜亟選知勇以任兵柄不聽同上
輟耕錄云
花山賊軍四等僅

三十六人內一婦人九勇拋擲集慶茅山縱橫出沒三月餘三省撥兵不能捕殺傷官軍無數後募鹽徒朱陳等率其黨一鼓擒之

甲寅盜賊吳天保陷靖州命鎮南王孛羅不花以兵討之同上

十二月丙戌以河南賊盜出入無常分撥達達軍與揚州舊軍於河南水陸關隘戍守同上

十二年春正月乙卯淮東宣慰司添設同知宣慰司事及都事各一員元史順
帝紀五

命遂魯曾爲淮東添設元帥統領兩淮所募鹽丁五千人討徐州同上

紅巾有號芝麻李者據徐州脫脫請自行討之以魯
曾為淮南宣慰使募鹽丁及城邑趨捷通二萬人與

所統兵俱發元史脫脫傳

二月癸未命諸王禿堅領從官百人馳驛守揚州元史順帝

紀五

閏三月乙酉立淮南江北等處行中書省治揚州同上

戊戌詔淮南省設官二十五員同上

給淮南行省銀字圓牌三面驛券五十道詔平章政事

晁火兒不花便宜行事同上

十三年五月乙未泰州白駒場亭民張士誠及其弟士

德士信為亂元史順帝紀六

士誠小字九四白駒場亭人有弟三人士義士德士

信兄弟並操舟運鹽為業緣私作姦利頗輕財好施

得羣輩心常鬻鹽諸富家富家多陵侮之或負其直

弗酬而弓手邱義尤窘辱士誠甚士誠忿即帥諸弟

及壯士李伯昇等十八人殺義并滅諸富家縱火焚

其居入旁近場招少年起兵鹽丁方苦重役遂共推

為主過丁溪為大姓劉子仁者所扼士義中矢死士

誠擊走子仁乘勝陷泰州明史藁士誠本傳王克柔者泰

州人家富好施多結游俠將為不軌高郵知府李齊

收捕於獄李華甫與麴張四素感克柔恩謀聚眾劫
獄齊以克柔解發揚州後招安華甫為泰州判四為
千夫長至正十三年五月士誠又與華甫同謀起事
未幾士誠黨與十八人共殺華甫遂并其眾輟耕錄

張士誠陷泰州及興化縣高郵知府李齊不屈死士誠
自稱誠王僭號周建元天祐續宏簡錄十

李齊字公平廣平人元統元年進士第一歷知高郵
府有政聲至正十一年州人秦觀保造兵仗將圖劫
掠獲而行誅十三年張士誠為亂破泰州河南行省
遣齊往招降被拘久之賊首自相殺始縱齊歸泰州

平賊徒尚蠡聚士誠復鼓變殺參知政事趙璉掠官
庫民財走入得勝湖俄陷興化以左丞僕哲篤偕宗
王鎮高郵使齊出守甓社湖五月乙未數賊入城一
噪呼而省憲官皆遁齊急還救城賊已閉門拒遂連
興化接得勝湖舟艦四塞蔓延入寶應縣已而有詔
凡叛逆者赦之詔至高郵不得入賊給曰李知府來
乃受命行省強齊往至則下齊獄中士誠本無降意
特遷延為繕飭計耳官軍謀知之乃進攻士誠呼齊
使跪齊叱曰吾膝如鐵豈肯為賊屈士誠怒扼之跪
齊立而詬乃曳倒搥碎其膝而弔之元史忠義傳二 趙璉

字伯器累遷淮南行省參知政事移鎮真州張士誠
爲亂陷泰州興化行省遣兵討之不克乃命高郵知
府李齊往招諭之士誠因請降行省授以民職且乞
從征討自効遂移璉鎮泰州璉乃趣士誠治戈船趨
濠泗士誠疑憚不肯發又覘知璉無備遂復反夜縱
火登城璉力疾捫佩刀上馬與賊鬪市衢賊圍璉邀
至其船璉詰之曰汝輩罪在不赦今旣宥爾誅戮又
錫以名爵朝廷何負於汝乃復反耶我執政大臣豈
爲賊屈卽馳騎奮擊賊賊以槩撞璉墜地欲昇登其
舟璉瞋目大罵遂死之其僕揚兒以身蔽璉亦俱死

亂定州民收其屍殯於真州事聞賻鈔三百錠官其

子錡

同上 案璉潁川人具趙宏偉傳

盛昭字克明歸德人累遷

淮南行省照磨會詔使往高郵不得達而還謬稱賊
已迎拜但乞名爵耳行省不虞其欺乃遣昭入高郵
授所與士誠官士誠拒不聽拘諸舟中昭語所從吏
曰吾之止此有死而已旣而官軍逼高郵士誠授昭
以兵使出拒官軍昭叱曰吾奉命招諭汝汝拘畱詔
使罪不容斬又欲吾從汝爲賊耶大罵不絕口賊怒
先剗其臂肉而後磔之同上 納速刺丁字士瞻辟掾
淮東宣慰司至正十年賊發真州納速刺丁以民兵

往襲之獲賊四十二人已而泰州賊大起鎮南王府
宣慰司請參議軍事納速刺丁建議築四城立外砦
捷隄穿河募兵與賊抗行省檄其提戰艦巡江且護
蒙古軍往江寧道遇賊斬擊二百餘級生獲十八人
未幾出邏江上賊突至馳船來鬪納速刺丁手射死
三十賊奪其放火小船二百賊因遁走復追斬三百
餘級捷聞賞賚良渥召還真州賊犯蕪湖行省檄使
來援乃以兵赴之泰州李二起移捍高郵得勝湖賊
船七十餘乘風而來卽擊之焚其二十餘船賊潰去
李二失援遂降其黨張士誠殺李二復爲亂戕參政

趙璉入據興化而水陸襲高郵屯兵東門納速刺丁
以舟師會諸軍討之距三棗鎮賊眾猝至納速刺丁
麾兵挫其鋒後賊譟而前乃發火鏃射之死者蔽流
而下賊緣船於背盡力來攻阿速衛及真滁萬戶府
等官皆遁走納速刺丁顧必死謂其三子寶童海魯
丁西山驢曰汝輩可脫走寶童等不肯去遂皆死之
事聞贈納速刺丁淮西元帥府經歷同石普字元
周徐州人以樞密院都事從守淮安時張士誠據高
郵普詣丞相陳破賊之策且曰高郵負重湖之險地
皆沮洳騎兵卒莫能前與普步兵三萬保取之高郵

平則濠泗易破普請先驅爲天下忠義倡丞相壯之
命權山東義兵萬戶府事招民義萬人以行而汝中
柏用事陰沮之滅其半初令便宜從事及行又使聽
淮南行省節制普行次范水砦日未夕令軍中具食
夜漏三刻下令銜枚趨寶應營中更鼓如平時抵縣
卽登城樹幟賊驚潰因撫安其民乘勝拔十餘砦將
抵高郵分兵三隊一趨城東備水戰一爲奇兵虞後
一自將攻北門遇賊與戰賊不能支遁入城普先士
卒躡之縱火燒關門賊思謀棄城走而援軍望之按
不進且忌普成功總兵者遣蒙古千騎突出普軍前
欲收先入之功賊以死扞蒙古軍懼卽馳回普止
之不可遂爲賊蹂踐普軍亂賊乘之普勒餘兵血戰
良久仗劍大呼曰丈夫當爲國死有不進者斬奮擊
直入賊陣從者僅三十人日西援絕被創墮馬復步
戰數合賊指曰此必頭目須生致之普叱曰死賊奴
我卽石都事何云頭目左脅爲賊鎗所中猶手握鎗
斫賊賊眾益至攢刺普與從者皆死之

改柏汝
中甚謬

六月辛亥親王完者禿泰州陳亾命前河西廉訪副使
也先不花爲淮西添設宣慰副使討泰州

元史順
帝紀六

命淮南行省平章政事達世帖睦爾便宜行事詔淮南行省平章政事福壽討興化同上

十四年二月己未以湖廣行省平章政事苟兒爲淮南行省平章政事以兵攻高郵同上

詔淮南省立義兵萬戶府同上

六月辛卯朔張士誠寇揚州同上

九月辛酉詔脫脫以太師中書右丞相總制諸王各愛馬諸省各翼軍馬督總兵領兵大小官將出征高郵同上

丁卯脫脫領大兵至高郵辛未戰於高郵城外大敗賊同上

董搏霄字孟起磁州人至正十四年陞樞密院判官

從丞相脫脫征高郵分戍鹽城興化賊巢在大縱得

勝兩湖間凡十有二悉剽平之卽其地築芙蓉砦賊

入輒迷故道盡殺之自是不敢復犯陞同僉淮南行

樞密院事元史搏霄本傳案搏霄後遷河南行省

右丞死毛貴之亂賊刺殺之無血淮見白

氣衝天又本傳云搏霄在濟南屬老且病請以弟

昂霄代朝廷因授昂霄淮南行樞密院判官舊志誤

以行院判官屬之搏霄列入名宦甚謬

十二月丁酉詔以脫脫老師費財已逾三月削官爵安

置淮安路元史順

帝紀六

脫脫總大軍出討數敗士誠圍高郵墮其外城城且

下順帝信讒言解脫脫兵柄削官爵以他將代之士

誠乘間奮擊元兵潰去由是復振明史張士誠傳案是時劾脫脫者

御史袁賽因不花等

國王朶兒只以本部兵守揚州元史朶兒只本傳

朶兒只木華黎六世孫襲王位之國遼陽脫脫總兵

南討朶兒只領兵出淮南聽節制既而詔削脫脫官

爵朶兒只乃以兵守揚州同上

十五年夏四月詔翰林院待制烏馬兒集賢待制孫搗

招安高郵張士誠仍齎宣命印信牌面與鎮南王孛羅

不花及淮南行省廉訪司等官商議給付之元史順帝紀七

孫搗字自謙曹州人濟寧路錄事張士誠據高郵或

謂其有降意朝廷擇烏馬兒為使招諭士誠而用搗

為輔行搗家居不知也中書借搗集賢待制就其家

起之搗強行抵高郵士誠不迎詔搗等入城反覆開

諭士誠等竦然聽已而拘之他室或日一饋食或間

日一饋食欲以降搗搗詬斥乃令其黨捶搗及士誠

徙平江搗與士誠部將張茂先謀遣壯士浦四許誠

赴鎮南王府約即日進兵復高郵謀泄執搗訊問搗

罵聲不絕竟為所害元史忠義傳二

五月命淮南行省平章政事咬住淮東廉訪使士也先

迭兒撫諭高郵

元史順帝紀七

六月國王朶兒只薨於揚州軍中命郡王只兒噉伯管

領其所部軍馬

同上

八月詔淮南行省左丞相太平統淮南諸軍討所陷郡

邑仍命湖廣行省平章政事阿魯灰以所部苗軍聽其

節制

同上

先是集慶有警阿魯灰以苗軍來援事平其軍鎮揚

州而阿魯灰御軍無紀律苗蠻素獷悍日事殺戮莫

能治俄而殺阿魯灰以叛

元史福壽傳

苗眾既入中國

不可控制略上江順流抵揚州禽獸之行絕天逆理

民怨且怒起義兵攻殺之餘黨奔潰度楊子畱廣德

吳興間

輟耕錄

冬十月丁巳立淮南行樞密院於揚州

元史順帝紀七

十六年二月高郵張士誠陷平江路據之

同上

士誠據高郵踰年淮東饑乃遣弟士德由通州渡江

入常熟十六年二月陷平江湖州松江及常州諸路

改平江為隆平府士誠自高郵來都之太祖遣楊憲

通好於士誠士誠畱憲不報徐達兵徇宜興攻常熟

士德迎戰敗為前鋒趙德勝所擒士德小字九六善

戰有謀能得士心浙西地皆其所略定既被擒士誠

大沮太祖欲畱士德以招士誠士德問道貽士誠書
 俾降元士誠遂決計降江浙右丞相達識帖睦迺為
 言於朝授太尉自海道輸糧十一萬石於大都歲以
 為常既而邀王爵不許二十三年九月復自立為吳
 王尊其母曹氏為王太妃置官屬以士信為江浙行
 省左丞相幽達識帖睦迺於嘉興元徵糧不復與參
 軍俞思齊者字中孚泰州人諫士誠曰向為賊可無
 貢今為臣不貢可乎士誠怒抵案仆地思齊即引疾
 去太祖既平武昌命徐達等規取淮東士誠以舟師
 溯江來援太祖自將擊走之二十六年十一月大軍

攻平江築長圍困之士誠距守數月數突圍決戰不
 利士信中礮死二十七年九月城破士誠收餘眾戰
 於萬壽寺東街眾散走倉皇歸府第拒戶自縊部將
 趙世雄解之大將軍達數遣李伯昇潘元紹等諭意
 士誠瞑目不答昇出葑門入舟不復食至金陵竟自
 縊死年四十七

明史士誠本傳 案達識帖睦迺即達世帖睦迺

十七年八月明兵取揚州路

元史順帝紀八

是時元將張明鑑據揚州冬十月繆大亨克揚州張

明鑑降

明史太祖紀一

初明鑑聚眾淮西以青布為號稱

青軍又以善長槍稱長槍軍由含山轉掠揚州元鎮

南王孛羅普化招降之以為濠泗義兵元帥踰年食

盡謀擁王作亂王走死淮安明鑑遂據城屠居民以

食明史繆大亨傳案孛羅普化即孛羅不花

十二月詔淮南知行樞密事脫脫領兵討淮南元史順帝紀八

二十五年閏月明兵取泰州元史順帝紀九時泰州高郵尚為張士誠所據

二十六年三月明兵取高郵府元史順帝紀十

太祖稱吳王以達為左相國帥遇春等徇淮東克泰

州復克高郵俘吳將士千餘人明史徐達傳常遇春字

伯仁懷遠人太祖既定集慶命遇春同徐達取泰州

敵退保新城明兵入據舊城相持未下遇春屯海安

鎮以絕敵援兵之路遂破泰州俘其將夏思恭等又

征高郵克之嘉靖志案明史無遇春克高郵事未

甚誤又明史本傳云江都地名常家沙族丁數

干皆其始祖遠裔崇禎時遇春裔孫延齡請鼓以忠

義練為親兵帝嘉之不果行

明 惠帝建文四年五月己丑盛庸軍潰於淮上燕兵渡淮

趣揚州指揮王禮等叛降燕御史王彬指揮崇剛死之

明史惠帝紀案崇剛當依明史本傳作鎮撫是時指揮乃王禮也

王克盱眙集諸將議所向或言宜取鳳陽或言先取

淮安王曰鳳陽樓櫓完淮安多積粟攻之未易下不

若乘勝直趨揚州則淮鳳自震已亥徇揚州天子遣許割地以和不聽六月癸丑陳瑄以舟師叛附於王甲寅祭大江乙卯自瓜洲渡盛庸以海艘迎戰敗績

明史成祖紀一

王彬字文質東平人進士拜監察御史巡

按江淮駐揚州北平兵至彬與鎮撫崇剛嬰城堅守時盛庸兵既敗人無固志守將王禮謀舉城降彬執之及其黨繫獄剛出練兵彬修守具晝夜不解有力士能舉千斤彬嘗以自隨燕兵飛書城中縛王御史降者官三品左右憚力士莫敢動禮弟崇厚賂力士母誘其子出乘彬解甲浴粹縛之出禮於獄開門納

燕師彬與剛皆不屈死福王時贈彬太僕卿諡忠壯

剛德清伯諡壯愍

明史藁彬本傳案萬曆江都志鄧剛一日從剛以戰功授揚州衛

鎮撫又云王禮弟宗厚與千戶徐政張勝謀共執剛絕城下殺之敘事較詳吾學編明史藁從剛作崇剛宗厚作崇厚與舊志小異明史又以崇厚為崇疑誤讀史藁崇厚賂力士母句以厚字屬下故刪之也

憲宗成化三年揚州鹽寇起守兵失利詔明討之明史高明

傳明事詳宦蹟志

寧津都勝成化初擢署都指揮僉事備倭揚州擊敗鹽徒為亂者乃命勝充參將協同漕運而鉉代之備倭勝居官廉靜所處皆膏腴地而自奉簡淡日食止豆腐時因為號明史王信傳合肥郭鉉沈毅有將略

累進都督同知凡軍民利病皆陳於朝

同上 案自正統四年倭

寇浙東始詔沿海重地皆屯兵備倭

五年三月鹽賊錢厚作亂稱江海上公備倭都督僉事

董寬擒之

康熙志 案舊志不載成化三年事疑與明史一事而紀載異耳

武宗正德六年大盜起明年七月李鉉戍淮揚

明史何鑑傳

劉六名寵其弟七名宸文安人並驍悍善騎射先是
有司患盜召寵宸及其黨楊虎齊彥名等協捕頗有
功會劉瑾家人梁洪徵賄於寵等不得誣為盜捕之
破其家寵等乃叛所至陷城殺將吏破邑百數縱橫
數千里所過若無人

明史馬中錫傳

梅本任高郵州判時

流賊逼境本奉檄率土兵五百戍泰興賊猝至令暨

所屬皆奔竄本日吾奉命戍茲土死生以之可避患

耶率兵出戰以眾寡不敵死之

萬曆志

仇鉞平河南賊移師會陸完滅劉七等於江北

明史鉞本傳

劉七與齊彥名糾水寇自黃州九江湖口彭澤以及

安慶太平儀真鎮江所過殘滅兵侍陸完統諸將下

揚州斬退避指揮程鵬等將截海口而七至鎮江或

泊通州之狼山或屯常熟之福山港遂凌駕江面縱

橫上下通泰如皋咸被流劫乃復自通州泝江而上

犯江西諸境復下通州游獵每謀自通泰登岸還山

東而揚州官軍拒之毛奇齡後鑑錄

十四年六月寧王宸濠反八月戊辰以南征告郊廟癸

未發京師明史藁武宗紀

十一月己未次寶應漁汜光湖同上

十二月辛酉次揚州大索處女寡婦同上

有吳經者尤親暱先至揚州嘗夜半然炬通衢遍入寡婦處女家掠以出號哭震遠近許以金贖貧者多

自經明史宦官傳一

壬戌獵城西明史藁武宗紀

江彬至揚州卽民居爲都督府遍刷處女寡婦實之有自經者帝數獵城西命神周取鷹犬泰州卽東循

草場大獵以劉姬諫稍止明史藁倭倖傳

癸未漁新牖甲申幸儀真黃昌本家閱太監張雄所選

伎送其半於御舟明史藁武宗紀

世宗嘉靖三十三年三月倭自太倉掠蘇州攻松江復

趣江北薄通泰明史日本傳

五月城瓜洲康熙志

鄭曉字窒甫海鹽人以侍郎兼副都御史總督漕運大江南北皆中倭漕艘幾阻奸民利倭賄多與通通州人顧表者尤桀黠爲倭導以故營砦皆據要害盡

知官兵虛實曉懸重賞捕戮之募鹽徒曉悍者為兵

增設泰州海防副使築瓜洲城諸海口皆增兵設墩

遂破倭於通州

明史鄭曉傳

三十四年倭犯江北淮揚諸處

谷應泰明史紀事本末五十五

揚州衛千戶洪岱文昌齡率兵至通州遇倭死之倭薄

揚州都指揮張恒千戶羅大爵曾沂禦之於教場兵潰

死之

康熙志案舊志此事在三十五年據明史朱哀傳倭初犯揚在三十四年今從明史

時倭一從瓜洲入一從新港入一從通州入一日報

倭至薔薇港次日又報至霍家橋逃者爭渡不得將

沿河北走又遇北路倭至被殺及溺死者數千人縱

火焚掠衛官張恒等倉皇領兵列營教場中倭鳴角

困突恒兵潰俱死

同上

三十五年倭掠瓜洲燒漕艘

明史口本傳

時擔鹽夫百人遇倭即用擔奮擊倭不能當棄仗而

逃被傷頗多

康熙志

吳百朋字惟錫義烏人進士以

御史按江北會倭犯揚州百朋聞報疾馳至揚時傳

賊多間諜四門皆閉止開東門之半許民入遠近扶

攜爭門者門為咽百朋命大開各門納之眾懼呼徹

天乃急趣士卒乘城晝夜躬拊循之至廢寢食士卒

有死行間者親哭臨之仍厚恤其家以故一時軍民

爭保城櫓賊不得近而百姓賴以無恐比解嚴百朋

鬚鬢俱白萬麻江都志師儒山西蒲州人舉人知儀真

縣適倭寇淮揚儒晝夜坐城櫓間與士卒同臥處倭

分道抄掠且薄城下會盛暑大雨江溢城閣水深三

尺民奔集城下者數萬人儒提劍立水中開門悉入

之申明斥堠寇莫敢犯儀徵縣志

倭復犯揚州府同知朱哀等死之康熙志

倭復至揚哀與高郵衛經歷晏銳率千戶賈勇及子

恩引兵出城渡河東禦之敗哀與銳擄至井巷口被

害同上朱哀字崇晉鄖西人武功知縣遷揚州同知

吏無敢索民一錢倭入寇擊敗之沙河殲其首還所

掠牲畜甚眾未幾復大至薄城東門督兵奮擊兵潰

死焉贈左參政錄一子明史忠義傳二萬麻志云

之賜額雙忠銳亦贈府判即其地立祠祀

增建揚州東關城康熙志案此即知府吳桂芳

所築外城見明史桂芳本傳同

三十六年夏四月倭從高郵至寶應縣焚掠殆盡上

三十八年夏四月江北倭趣通州進據白浦鎮兵備副

使劉景韶以遊擊邱陞擊白浦三戰三捷賊謀犯揚州

景韶復督陞等以火攻其老營敗之紀事本末

劉景韶字子成崇陽人進士備兵揚州時倭寇猖獗

景韶佐李遂治兵躬擐甲胄者九十餘日生禽白斬首三千焚溺稱之獲賊器械輜重以萬計捷聞增歲

俸二級尋陞浙江按察使名山藏 徐嵩祠祀略云嘉靖己未倭寇縱橫江淮

沿江焚劫越通州而西公擐甲誓眾直攻賊營順風縱火自辰至午數十戰皆捷斬賊首一人眾遂潰亂

水陸之師追襲之賊欲分我兵力先後繼進自料角

者出西亭則殲之於小麥港新河口白蒲餘孽徑趨

廟灣則合諸軍大破之先是三沙有賊千餘焚劫江

南官軍失利假舟潛渡寇我通州乃檄諸軍敗之於

舊場敗之於仲家莊又敗之於茆花墩江北之賊悉

平 李遂字邦良豐城人進士歷右僉都御史三十

六年倭擾江北特命遂撫淮揚三十八年四月倭數

百艘寇海門遂語諸將曰賊侵犯之路有三由泰州

逼天長鳳泗陵寢驚矣由黃橋逼瓜儀以搖南都運

道梗矣若從富安沿海東至廟灣則絕地也乃命副

使劉景韶遊擊邱陞扼如皋而身馳泰州當其衝連

戰皆捷通政唐順之副總兵劉顯來援賊大敗走以

餘眾保廟灣據險不出攻之月餘不克遂令景韶塞

塹夷木壓壘陳火焚其舟賊乘夜雨潛遁官軍據其

巢追奔至鰕子巷江北倭悉平賊駐崇明三沙者將

犯揚州景韶戰連勝之賊盡殄遷兵部侍郎卒贈太

子太保諡襄敏明史遂本傳 名山藏云時淮揚二

濟意外重科悉為民困遂至革軍餉大戶幾千家減

排門鄉兵歲省民財萬計以次經畫戰守諸備視地

嘉慶州府志 卷之六十九 事略五

要善奏設副總兵參將守備若干員城天長儀徵寶
應諸縣造戰艦數百艘合練馬步水兵賊再至不敢
犯

唐順之字應德武進人庶吉士累遷右通政命

往南畿視師賊犯江北急與鳳陽巡撫李遂大破之

姚家蕩賊退巢廟灣順之薄之殺傷相當又援三沙

躍馬布陳持刀直前時盛暑居海舟兩月遂得疾會

李遂改官南京即擢順之右僉都御史代遂巡撫淮

揚適大饑條上海防善後九事三十九年卒訃聞予

祭葬

明史順之本傳 萬曆志云順之巡撫鳳陽時

請餘鹽截運米煮粥以賑民賴存活者數百萬時疾

已甚猶巡歷海上核戎旅攷荒政鞅掌盡瘁卒於秦

州之姜堰鎮淮揚人

思其功建祠祀之

秋七月三川沙倭突犯江北由海門流劫過金沙西亭

將犯揚州參將邱陞禦之戰於鄧家莊賊敗走進至鍋

團陞輕騎先進賊覘無後繼盡銳來衝陞馬蹶被殺已

而官軍大至賊遁官軍尾之於白駒沙劉顯兵先登各

營繼進擊之賊盡殄焉

紀事本末 五十五

劉顯南昌人膂力絕倫累遷副總兵協守江浙倭劫

江北被圍於劉家莊顯以銳卒數千至巡撫李遂令

盡護江北軍顯率所部直入諸營繼之自辰迄酉賊

巢破逐北至白駒場茅花墩斬首六百有奇

明史顯本傳

邱陞大同人時揚州參將王介卒於軍以陞補禦

倭遊擊賊勢方張陞率精騎南來勢如虓虎累獲奇捷中丞李遂倚以爲重已而倭屯東邨勢甚窘自度不免請盡歸所掠假道入海陞不許圍其屯數匝度賊窮必衝突預取邨中茅葦堆置路側內藏硝黃諸物陞率本部士直當其鋒舉火攻之賊前後受敵方抱泣待斃須臾大雨如注火盡滅賊乘勢突前我師泥淖馬蹶弓濕反張陞遂遇害揚人哀之以爲天亾陞非戰之罪也建祠祀之

萬麻江都志

王介山東人任

揚州參將勇於赴敵雅知大義以會襄愍銃撫其里有惠政而死非其罪至則拜公之堂伏地涕泣薦紳義之累與倭戰多所斬獲後以病濕不能挽弓乘騎

猶與疾對壘勒兵以戰或以請告勸者介曰倭奴未滅遑恤其身古人馬革裹屍之謂何竟以病卒揚州初介調自山東倭方薄城而陳介鼓所部騎士分兩翼以勁弩射之賊皆裸跣應弦而仆死者山積酣戰移日士氣益奮揚民自堞間窺之無不呼噪壯之賊勢大潰會通州馬公子率兵至裝束與倭雜介以爲賊援也稍引兵卻賊得遁去

萬麻江都志

神宗萬曆二十七年春正月遣供用庫官暨祿權儀眞

紀事本末
六十五

夏身附志

卷之六十九

事略五

三

時礦稅使四出三才所部權稅則徐州陳增儀真暨
祿鹽課則揚州魯保蘆政則沿江邢隆棋布千里間
所至若捕叛匹公行攘奪而增尤甚

明史李三才傳
三才事詳宦

蹟志

四十二年常洵奏乞江都至太平沿江荻洲雜稅以自

益明史神宗諸子傳
常洵就藩洛陽時

熹宗天啟七年七月揚州立沾恩祠

紀事本末七十一
案祠為魏忠賢

建從明史閣黨
傳編入此年

淮揚巡鹽許其孝等建祠揚州將上梁而熹宗哀詔

至既哀臨釋縲易吉相率往拜

明史閣
黨傳

莊烈帝崇禎十年九月丁卯張獻忠掠儀真命中官劉

元斌盧九德赴援

明史藁莊
烈帝紀一

獻忠自襄陽順流東下與江北賊賀一龍賀錦等合

烽火達淮揚

明史流
賊傳

十七年四月馬士英送福王至儀真

明史史
可法傳

北都既陷南都議立君張慎言等曰福王由崧倫序
當立而有七不可貪淫酗酒不孝虐下不讀書干預
有司潞王常滂神宗姪也賢明當立移牒可法可法
亦以為然而士英已與黃得功劉良佐劉澤清高傑
發兵送福王至儀真

同上

福王稱帝於南京以史可法督師江北

御批通鑑輯覽福王紀

分淮陽鳳廬為四鎮以黃得功劉良佐劉澤清高傑領

之上

時議分江北為四鎮劉澤清轄淮海駐淮北經理山

東一路高傑轄徐泗駐泗水經理開歸一路劉良佐

轄鳳壽駐臨淮經理陳杞一路黃得功轄滁和駐廬

州經理光固一路仍進得功靖南侯封傑與平伯澤

清東平伯良佐廣昌伯時得功澤清傑爭欲駐揚州

傑先至固欲入城揚州民畏傑不納傑攻城急日掠

邨廂婦女民益惡之知府馬鳴騷推官湯來賀堅守

月餘

進士鄭元勳家城中身詣傑營責以大義傑感悟為斂兵五里外城西得暫啟門以通薪

而守城者負約數以矢石中傑兵傑兵復進揚人競疑元勳通傑遂遇害傑知不可攻意

稍怠而澤清亦大掠淮上臨淮不納良佐軍亦被攻

王命可法往解得功良佐澤清皆聽命乃詣傑傑素

憚可法夜掘坎十百埋暴骸旦日謁可法帳中詞色

俱變汗浹背可法坦懷待之接偏裨以溫語傑大喜

過望然亦自是易可法用已甲士防衛文檄必取視

而後行可法夸然為具疏屯其眾於瓜洲渡傑又大

喜可法乃開府揚州上同 祁彪佳巡撫江南時高傑

駐瓜洲跋扈甚彪佳尅期往會至期風大作傑意彪

佳必無來彪佳攜數卒衝風渡傑大駭異盡撤兵衛
會彪佳於大觀樓彪佳披肝膈勉以忠義共獎王室
傑感歎曰傑閱人多矣如公傑甘為死公一日在吳
傑一日遵公約矣共飯而別

明史彪
佳本傳

萬元吉以四鎮不和奉詔宣諭發萬金犒高傑於揚州

明史元
吉本傳

九月黃得功趨揚州高傑以兵襲儀真不克

通鑑輯覽
福王紀

初史可法置得功儀真與傑陰相牽制及是登萊總
兵黃蜚將之任蜚與得功同姓稱兄弟移書請兵備
非常得功率騎三百由揚州往高郵迎之傑素忌得

功又疑圖己乃伏精卒道中邀擊之得功行至土橋
方作食伏起出不意上馬舉鐵鞭飛矢雨集馬踣騰
他騎馳有驍騎舞槩直前得功大呼反鬪挾其槩而
扶之人馬皆糜復殺數十人跳入頽垣中哮聲如雷
追者不敢進遂疾馳至其軍得免方鬪時傑潛師擣
儀真得功兵頗傷而所俱行三百騎皆沒遂訴於南
京願與傑決一死戰命太監盧九德及可法遣監軍
萬元吉和解之不可會得功有母喪可法往弔語之
曰土橋之役無智愚皆知傑不義今將軍以國故捐
盛怒而歸曲於高是將軍收大名於天下也得功色

稍和終以所殺亾多爲恨可法令傑償其馬復出千金爲母贖得功不得已聽之上同

史可法遣諸將分守要地高傑移駐徐州上同

初可法出巡淮安閱劉澤清士馬返揚州請餉爲進取資馬士英靳不發可法疏趣之因言今事勢更非昔比必專主討賊復讐舍籌兵籌餉無議論舍治兵治餉無人才優旨褒答而不能行至是可法議分布諸將奏請以總兵李成棟鎮徐州賀大成鎮揚州王之綱鎮河南李本身胡茂楨隸高傑麾下爲前鋒而令劉肇基駐高家集李棲鳳駐睢寧以防河用張天

祿爲閣標前鋒駐瓜洲高傑故跋扈可法日以君臣大義曉示之傑感其忠奉約束可法因與謀恢復議調黃得功劉澤清二鎮赴邳宿防河傑自提兵直趨開歸且瞰宛洛荆襄以爲根本傑遂具疏上之且曰得功與臣介介前事臣知報君雪耻而已安能與同列較短長哉然得功終不欲爲傑後勁而澤清尤狡橫難任可法不得已乃移得功廬州以防桐皖調劉良佐赴邳徐進復黃汝與傑相聲援傑遂帥兵移鎮

徐州上同

福王宏光元年春正月總兵許定國誘殺高傑以衛允

文為兵部侍郎總督開歸防剿軍務尋撤兵回揚州同上

黃得功聞傑死復引兵襲揚州將盡殺其妻子以報

史可法急命同知曲從直諭解之乃引兵去同上

案明史得功傳傑死將士妻子尚留揚州得功謀襲之朝廷急遣盧九德諭止得功遂移鎮廬州據輯覽則得功

先已移鎮疑史傳誤黃得功字虎山開原衛人起行伍封靖

南侯開闢儀真時高傑在揚州縱兵毒掠獨不敢入

儀真境人賴以安每戰必先飲酒數升大呼裂眦入

重圍如無人戰罷歸猶揮刀不釋手即親從無敢近

御卒嚴居民皆安堵待士尤有禮會左夢庚叛移蕪

湖以遏之金陵不守得功志在連兵方臨陣劉良佐

先已降此句以原文未明誘與語箭貫其喉自刎死

葬青山儀徵縣志明史本傳云得功死其妻亦自

城定遠皆為立生祠死葬儀徵方山毋墓側

四月我

大清兵克揚州明督師兵部尙書兼大學士史可法等死

通鑑輯覽之福王紀

可法初聞大兵日南下將移軍泗州防護祖陵輜

重已發而左良玉稱兵召之人援渡江抵燕子磯黃

得功已破良玉軍可法乃趨天長檄諸將救盱眙俄

報盱眙已降援將侯方巖敗歿可法奔還揚州訛傳

許定國兵將至殲高氏部曲城中人悉斬關出舟楫

一空可法檄各鎮兵無一至者獨總兵劉肇基自白

洋河趨赴請背城一戰可法持不許十八日明史史可法傳

作二十日誤兵大至屯斑竹園招諭可法及衛允文等降

不從明日總兵李棲鳳監軍副使高岐鳳拔營出城

降城中軍益單文武分陴拒守越二日 大兵薄城

下用巨礮擊西北隅城遂破明史藁云二日城破可法自刎

不殊一參將擁出小東門既就執可法大呼曰我史

督師也乃殺之劉肇基率所部四百人巷戰力不支

與副將乙邦才馬應魁莊子固汪思誠等皆死衛允

文及在籍侍郎張伯鯨知府任民育同知曲從直王

纘爵知縣周志畏羅伏龍吳道正運使楊振熙縣丞

王志端幕客盧涓歸昭等皆死之員外郎何剛庶吉

士吳爾壘皆參可法軍事城破亦投井死其他諸生

高孝纘王士琇王纘王績王續又武生戴之藩醫者

陳天拔畫士陸愉義兵張有德市民馮應昌舟子徐

某及婦女死節者不可勝紀同上 案思誠字純一

正餘姚人振熙臨海人志端孝豐人並具明史藁史

可法傳餘詳後 乙酉錄云十四日督鎮史可法從

白洋河失守跟踰奔揚州閉城禦敵至二十四日命

諸將分陴拒守次早督鎮牌諭至內有一人當之不

累百姓之語聞者莫不感泣又傳巡軍小捷或日靖

南侯援兵至旋觀城上守城者尙嚴整不亂忽數十

騎自北而南勢如波湧中擁一人則督鎮也蓋奔東
城外兵逼不能出欲奔南關故由此是時始知大
兵已入城突一騎撤繯緩步仰面哀號馬前二卒依
依轡首至今猶在目恨未傳其姓字也騎稍遠守城
丁紛紛下竄悉棄冑投戈致有碎首折脛者回視城
櫓已一空矣池北偶談云康熙二十年吳江吳兆
騫自寧古塔歸京師駐防將軍安某者老將也語之
曰子歸可語史館諸君昔當王師下江南破揚州
時吾親見一官人戴巾衣篋騎一驢詣軍營自云我
史閣部也親王引與坐勸之降以洪承疇為比史搖
首云我來只辨一死但慮死不明白耳王百方勸諭
終不從乃就死此吾所目擊者史書不可屈此人云
史可法字憲之大興人符人祥母尹氏有娠夢文

天祥人其舍生可法崇禎元年成進士累遷戶部右
侍郎總督漕運拜南京兵部尚書十七年四月聞李

自成陷京城大慟頭觸柱血流被體縞衣發喪欲長

驅死賊及福王立馬士英擁兵入可法知勢不兩立

請督師淮揚加太子太保兵部尚書武英殿大學士

時高傑兵駐揚州被淫掠死者無算可法具疏以瓜

洲城屯其眾揚州以安可法遂開府揚州關禮賢館

招四方才智悉任用之屢疏請餉士英靳不發每疏

請討賊復讐聲淚俱下扼於馬阮獲報而已次年四

月左良玉東下王手書召可法入援即日發兵渡江

抵燕子磯聞良玉已敗乃令速還抵天長一日夜奔

揚州檄召各鎮兵無一至者二十日 大兵至李棲

鳳高岐鳳出降城中勢益孤諸文武分陴拒守舊城

命副將史得威為之後越二日城破可法自刎不死

命得威刃之得威痛哭不敢仰視一參將擁出小東

門為我兵所執可法大呼曰我史督師也可速殺我

勸之降不從遂殺之幕客胡如瑄盧渭等皆從死

志江都志云可法既死養子得威尋其屍不得招

魂葬衣冠於梅花嶺葛崙文集云閣部弟可模早

世其妻李隨閣部夫人胞妹隨閣部官江南借閣部

夫人集命反巢縣陷無為州屬伯韶貌似閣部冒其

名集二條巷召三孀識認斥其妄而李為勢豪所窺囑

容造門願求八夫人為室太夫人曰吾家世守禮豈

再醮兩兒一忠一孝兩寡媳久不欲生以吾在暫活

耳李聞之大聲曰此言何為乎來閣部夫人曰爾生

乎死乎李曰我不生亦不死入室久之客以為事諧

有頃聞哭聲一婢捧盤出曰可將去客視之則一髮

髻一耳一鼻客惶恐躍馬歸此非揚事以有旨公名

一節故從附錄忠正書并錄於此家書云恭候太

太楊太太夫人萬安北兵於十八日圍揚城至今尚

未攻打然人心已去收拾不來某早晚必死不知夫

人肯隨我去否如此世界生亦無益不如早決斷

也太太苦惱須託四太爺大爺三哥大家焯管焯兒

好交隨他罷了書至此肝腸寸斷矣四月廿一日某

寄先是致大兵至江南容親王多爾袞令副將韓拱

薇等齋書致可法曰予向在瀋陽即知燕京物望咸

推司馬後入關破賊得與都人士相接識介弟於清

班會託其手泐平安致與都人士相接識介弟於清

聞道路紛紜多謂金陵有賊討則故君不得書葬新君不

戴天春秋之義有賊不討則故君不得書葬新君不

得書即位所以防亂臣賊子法至嚴也闖賊李自成

稱兵犯闕手毒君親中國臣民不聞加遣一矢平西

王吳三桂介在東睡獨抱包胥之哭

朝廷感其忠義念累世之宿好棄近日之小嫌爰整貌

朝貅驅除狗鼠入京之日首崇懷宗帝后諡號卜葬山

陵悉如典禮親郡王將軍以下一仍故封不加改削

事略五

卷之二十九

勲成文武諸臣咸在朝列恩禮有加耕市不驚秋豪

無擾方擬秋高氣爽遣將西征傳檄江南聯兵河朝

陳師鞠旅戮力同心報乃君國之讐彰我

朝廷之德豈意南州諸君子苟安旦夕弗審事機聊慕

虛名頓忘實害予甚感之

國家之撫定燕都乃得之於闖賊非取之於明朝也賊

毀明朝之廟主辱及先人我

國家不憚征繕之勞悉索敵賦代為雪耻孝子仁人當

如何感恩圖報茲乃乘逆寇稽誅王師暫息遂欲為

據江南坐享漁人之利揆諸情理豈可謂平將以為

天塹不能飛渡投鞭不足斷流耶夫闖賊但為明朝

崇耳未嘗得罪於我

國家也徒以薄海同讐特中大義今若擁號稱尊便是

擬釋彼重誅命為前導夫以中華全力受制潢池而

欲以江左一隅兼支大國勝負之數無待著龜矣子

聞命篤念故主厚愛賢王宜勸令削號歸藩永綏

福祿

庶不負

朝廷義討賊與滅繼絕之初心至南州羣彥翩然來

儀則爾公爾侯列爵分土有平西之典例在惟執事

實圖利之輓近士大夫好高樹名義而未定兵已渡河

急為殷鑒先生領同築舍昔宋人議論未定兵已渡河

寧隨俗浮沈取舍從違應早審定兵行在即可西可

東南國安危在此一舉願諸君子同以討賊為心毋

貪一身瞬息之榮而重故國無窮之禍為亂臣賊子

所笑予實有厚望焉記有之惟善人能受盡言敬而

腹心佇聞明教江天在望延跂為勞書不宣意可法

答書云南中向接好音法隨遣使問訊吳大夫無私交

敢遠通左右非委隆誼於草莽也誠以大夫無私交

春秋之義今倥偬之際忽捧琬口之章真不啻從天

而降也循讀再三愧懼左右不察謂南中臣民媮安江

貴國憂法且感且愧懼左右不察謂南中臣民媮安江

左竟忘君父之怨敬為

貴國一詳陳之我大行皇帝敬天法祖勤政愛民真堯

舜之主也以庸臣誤國致有三月十九日之事法待

罪南樞救援無及師次淮上凶問遂來地坼天崩山

真

事略五

枯海泣嗟乎人孰無君雖肆法於市朝以為泄泄者
之戒亦奚足謝先皇帝於地下哉爾時南中臣民哀
慟如喪考妣無不拊膺切齒欲悉東南之甲立剪兇
讐而二三老臣謂國破君亡宗社為重相與迎立今
上行皇帝之兄也名正言順天與人歸五月朔日駕
臨南都萬姓夾道歡呼聲聞數里羣臣勸進今上悲
不自勝讓再讓三僅允監國迨臣民伏闕屢請始以
十五日正位南都從前鳳集河清瑞應非一即告廟
之日紫雲如蓋祝文升霄萬目共瞻欣傳盛事大江
湧出柎梓數十萬章助修宮殿豈非天意也哉越數
日遂命法視師江北刻日西征忽傳我大將吳三桂

借兵 國破走逆成爲我先皇帝后發喪成禮掃清宮闕撫
輯羣黎且罷薙髮之令示不忘本朝此等舉動振古
鑠今凡爲大明臣子無不長跪北向頂禮加額豈但
如明諭所云感恩圖報已乎謹於八月頂禮加額豈但
使犒師兼欲請命鴻裁連兵西討是以王師既發復
次江淮乃辱明誨引春秋大義來相詰責善哉乎推
言之然此又爲列國君薨世子應立有賊未討不忍

死其君者立說耳若夫天下其主身徇社稷青宮皇
子慘變非常而猶拘率不卽位之文坐昧大一統之
義中原鼎沸倉猝出師將何以維繫人心號召忠義
紫陽綱目踵事春秋其閒特書如莽移漢鼎光武中
興丕廢山陽昭烈踐阼懷慙亡國晉元嗣基徽欽蒙
塵宋高繼統是皆於國讐未剪之日承正位號綱目
未嘗斥爲自立率以正統與之甚至如元宗幸蜀太
子卽位靈武議者疵之亦未嘗不許以行權幸其光
復舊物也木朝傳世十六正統相承自治冠帶之族
繼絕存仁恩遐被

貴 本朝之難驅除亂逆可謂大義復著於春秋矣昔契
丹和宋止歲輸以金縉回紇助唐原不利其土地況
貴 國篤念世好兵以義動萬代瞻仰在此一舉若乃乘
我蒙難棄好崇讐規此幅員爲德不卒是以義始而
以利終爲賊人所竊笑也

貴 國豈其然往先帝軫念潢池不忍盡戮剗撫互用貽
誤至今今天縱英明刻刻以復讐爲念廟堂之上
和衷體國介冑之士飲泣枕戈忠義民兵願爲國死
竊以爲天以逆闖當不越於斯時矣語曰樹德務滋

事略五

卷之六十九

事略五

事略五

事略五

事略五

事略五

事略五

事略五

事略五

事略五

事略五

事略五

除惡務盡今逆成未服天誅謀知捲土西秦方圖報復此不獨本朝不共戴天之恨抑亦貴國除惡未盡之憂伏乞堅同讐之誦全始終之德合師進討問罪秦中共梟逆賊之頭以泄數天之憤則貴國義問昭耀千秋本朝圖報惟力是視從此兩國世通盟好傳之無窮不亦休乎至於牛耳之盟則本朝使臣久已在道不日抵燕奉盤盂從事矣法北望陵廟無涕可揮身蹈大戮罪應萬死所以不即從先帝者實為社稷之故傳日竭股肱之力繼之以忠貞法今日鞠躬致命克盡臣節所以報也惟殿下實昭鑒之

劉肇基字鼎維遼東人以世職累遷都督同知福王立史可法督師淮揚肇基請從征自効加太子太保 大兵抵揚州可法檄諸將赴援獨肇基自白洋河趨赴過高郵不見妻子既入城請乘 大兵未集背城一戰可法持重肇基乃分守北門已而城破

率所部四百人巷戰力不支一軍皆沒副將乙邦才自刎馬應魁披白甲大書盡忠報國四字於背戰死莊子固屯徐州歸德閉募壯士七百人以赤心報國為號聞揚州被圍率眾馳三日而至城將被欲擁可法出城遇 大兵格鬥死他若副將樓挺江雲龍李豫參將陶國祚許謹馮國用陳光玉李隆徐純仁遊

擊李大忠孫開忠都司姚懷龍解學會等皆以巷戰死明史肇基本傳 案乙邦才青州人馬應魁字守卿貴池人莊子固字憲伯遼東人事蹟並具肇基傳以非揚 任民育字厚生濟寧州人史可法督師揚州舉民育知府事未幾高傑黃得功爭揚州戰城

外軍中失得功可法將攻傑民育力言不可乃止翼
日知得功閒道歸營其斷大事皆此類 天兵大至
民育乘城守禦日夜綦嚴會天雨城圯遂入之民育
緋衣坐堂上 大兵至諭降民育不可飲刃死揚人
聞之皆泣下先一日星隕於署櫪馬皆驚民育自分
必死散遣諸妾惟寡女適劉氏者與一女留署中至
是俱縊死幕客陳美僕聞道等五人皆從死妾姚氏
本揚人投水死民育卑命處在太守廳事西偏血凝
碧陰雨猶仿佛可見 漁洋山人文略 江都志云民
育左右從人皆奔散獨吏某
侍民育死 亦自縊 曲從直遼東人與其子守東門城破俱

死 明史葉史
可法傳

王纘爵字佑申鄞縣人以通判攝溧

水縣剛直忤上官自投劾歸史可法督師江北起為

監軍道一日可法謂爾書生不耐兵事吾當為奏補

京職纘爵曰下官世受國恩無以為報今願從明公

死不願從馬阮生也可法斂容謝之及揚城破從可

法死焉 康熙志 全祖望鮎埼亭外集云公一子兆
身有異才以父之殉於揚也不忍家居終身

躑躅蜀岡邗溝之上 周志畏字抑畏鄞縣人進士
遂以野死君子哀之

知江都時揚州鎮帥死兵無所統多暴橫凌志畏志

畏不為屈撓取其中害民者置以法兵大譟謀劫志

畏廷議調歛縣督師史可法欲倚為佐慰留之 大

兵略地至揚州可法守西門志畏守小東門躬被甲

宿敵樓夜不交睫有勸之降者索印不付西門啓兵

入執志畏擁至南郭福緣庵刃之於水志畏平時常

以小鏡置懷中至是死數日無知者一僕行覓主見

屍水上識其衣啓視鏡故在哭殮焉汪懋麟梧 廬

渭字渭生長洲諸生居禮賢館久可法才渭渭方歲

貢當得官不受職而擬授崑山歸昭等二十餘人為

通判推官知縣前二旬城陷渭堅守鈔關投於河昭

死西門從死者十七人明史史 何剛字愨人上海

人崇禎三年舉於鄉擢職方主事募兵金華剛出都

都城陷馳還南京剛友陳子龍夏友彝募卒二千人

令剛統之尋進員外郎以其兵隸史可法可法大喜

得剛剛亦喜遇知己士英惡之出剛遵義知府可法

垂涕曰子去吾誰仗剛亦泣願死生無相背踰月揚

州被圍佐可法拒守城破投井死明史史 吳爾壘

崇德人舊志云字介子 浙江石門人進士授庶吉士京師陷降於

賊賊敗南還謁可法請從軍贖罪可法遂留參軍事

父之屏方督學福建爾壘斷一指畀故人祝淵曰君

歸語我父母悉出私財畀我餉軍我他日不歸以指

葬可也後守揚州新城亦投井死明史藁史 談三

傑廣平人貢生授揚州庫大使 大兵至揚三傑分
守北門城陷易公服謂太守任民育曰公死城微員
死庫遂與守同死其子生員大剛與僕天喜人衡從
死江都縣志 劉夫人失其姓總兵劉肇基妻肇基提兵
赴宿遷留眷屬高郵夫人與訣曰設有急君以死報
國吾必以死報君及肇基奉檄援揚州以巷戰死夫
人聞信卽自縊高郵州志

國朝

章皇帝順治十六年海賊至瓜洲

事見賈質傳詳下

賈質大興人官江南操江營遊擊十六年海賊入犯

分汎瓜洲力戰而死

贈參將官其子宗誼

通志

卷之七十九 事略六

重修揚州府志卷之七十

事略志六

附祥異案志乘之紀五行所以使司牧者察庶徵慎人事也舊志以附星野既為不類采輯史文又多牽合或非其地今釐正之載事略之後

漢

文帝五年吳暴風雨壞城官府民室

漢書五行志下之上案史記帝紀

景帝五年江都大暴風從西方來壞城十二丈漢書不載疑與此一事而志譌景帝為文帝遂以為溥反之應十二年有馬生角於吳角在耳前上鄉右角長三寸左角長二寸皆大二寸

桓帝元嘉二年七月日有食之在翼四度史官不見廣

陵以聞

後漢書天文志

重修揚州府志

卷之七十九

事略六

晉

武帝咸寧元年五月廣陵大風壞千餘家折樹木其月

甲申大風折木晉書五行志下

孝武帝太元十三年四月廣陵高年閭嵩家雌雞生無

右翅晉書五行志上

安帝義熙五年九月廣陵雨雹晉書五行志下

宋

文帝元嘉十年十二月營城縣民成公會之於廣陵高

郵界獲白麀鹿以獻宋書符瑞志中

十八年六月甘露降廣陵孟玉秀家樹南兗州刺史臨

川王義慶以聞同上

十九年五月海陵王文秀獲白鳥南兗州刺史臨川王

義慶以獻宋書符瑞志下

二十一年白燕見廣陵南兗州刺史廣陵王誕以獻同上

二十五年五月廣陵太守范邈上言所領輿縣前有大

浦控引潮流水常淤濁自比以來源流清潔纖鱗呈形

古老相傳以為休瑞同上八月白燕見廣陵城南兗州

刺史徐湛之以聞同上廣陵有龍自湖中升天百姓皆

見宋書符瑞志中

二十八年七月嘉禾生廣陵邵伯埭南兗州刺史江夏

王義恭以聞宋書符瑞志下

孝武孝建三年六月白麀見廣陵南兗州以獻宋書符瑞志中

大明二年三月白雉雌雄各一見海陵南兗州刺史竟

陵王誕以獻宋書符瑞志下

三年五月十九日夜有流星大如斗杆尾長十餘丈從

西北來墜城內是謂天狗占曰天狗所在下有伏尸流

血七月廣陵城陷殺男女三千餘人是日雲霧晦暝白

虹臨北門巨屬城內宋書竟陵王誕傳

四年南兗州大水宋書五行志四五月白雀見廣陵侍中顏

師伯以獻宋書符瑞志下

齊

武帝永明十一年廣陵海陵縣獲白麀南齊書祥瑞志永明

中有麀入廣陵城投井而死又有象至廣陵是後刺史

安陸王子敬於鎮被害南齊書五行志

梁

武帝普通五年六月龍鬪於曲阿王陂因西行至建陵

城所經之處樹木皆坼開數十丈隋書五行志下

大同三年九月南兗州大饑梁書武帝紀廣業郡有嘉禾

生改爲神農郡隋書地理志下案梁書帝紀載生嘉

禾者三無高郵生禾之事疑因事命名

舊志所有姑存之

陳

宣帝太建十一年正月龍見南兗州永寧樓側池中陳書

宣帝紀

隋

煬帝大業十三年江都宮城諸殿屋鴟尾上鐵索爲烏鳥銜拔自淮及江東西數百里水絕無魚雍正志五月

辛亥夜有流星如甕墜於江都占曰其下有大兵戰流血破軍殺將隋書天文志案煬帝紀作辛卯十一

月有石自江浮入於楊子隋書五行志下廢馬無故而死旬

日死至數百匹同上

唐

高祖武德七年河間王孝恭征輔公祏宴羣帥於舟中

以金盃酌江水將飲之化爲血新唐書五行志

太宗貞觀八年七月江淮大水同上

高宗總章元年江淮大旱同上

武后垂拱元年九月淮南地生毛或白或蒼長者尺餘

遍居人牀下揚州尤甚大如馬鬣焚之臭如燎毛占曰

兵起民不安同上

大足元年七月揚州地震同上

元宗開元三年有熊晝入揚州城同上

七年閏七月揚州奏一角獸見

雍正志

九年七月揚州暴風雨發屋拔木

新唐書五行志

十九年揚州穠稻生

新唐書元宗紀

天寶十載廣陵大風駕海潮沈江船數千艘

新唐書五行志

肅宗上元二年有鼉聚於揚州城門上鼉介物兵象也

同上

三年楚州刺史崔侁獻寶玉十三枚一曰元黃天符如

笏長八寸濶三寸上圓下方近圓有孔黃玉也二曰玉

雞毛文悉備白玉也三曰穀璧白玉也徑可五六寸其

文粟粒無雕鐫之迹四曰西王母白環二枚白玉也徑

六七寸五曰碧色寶圓而有光六曰如意寶珠圓如雞

卵光如月七曰紅靺鞨大如巨栗赤如櫻桃八曰琅玕

珠二枚長一寸九分九曰玉玦形如玉環四分缺一十

曰玉印大如半手斜長理如鹿形陷入印中以印物則

鹿形著焉十一曰皇后采桑鈎長五六寸細如筋屈其

末似真金又似銀十二曰雷公石斧長四寸濶二寸無

孔細緻如青玉十三

原缺

凡十三寶置之日中皆白氣連

天侁表云楚州寺尼真如者恍惚上昇見天帝授以十

三寶曰中國有災宜以第二寶鎮之詔曰上天降寶獻

自楚州因以體元叶乎五紀其元年宜改爲寶應

舊唐書肅

宗紀

代宗大厯中高郵人張存獲藕中劍雍正志州志存於陂中見旱藕梢

大如臂異而掘之深二尺大至合抱不可窮乃中斷之得一劍長三尺色青無刃且藕無絲

德宗貞元二年六月江溢新唐書五行志

三年十月揚州大水漂民廬舍舊唐書德宗紀案此事新唐書在五月

四年四月淮南地生毛新唐書五行志

六年揚州大旱井泉竭同上

七年揚楚州旱同上

八年江淮大水漂沒城郭廬舍同上

憲宗元和七年揚州旱同上

文宗太和四年十一月海陵火同上

七年揚楚大水害稼同上

八年三月揚州火燔民舍千區十月復火燔民舍數千

區同上

開成元年六月揚州民明齊家馬生角長一寸三分同上

二年夏旱運河竭同上

五年夏螟蝗害稼同上 十二月晦揚州市火燔民舍數

千家同上

宣宗大中六年夏淮南饑海陵高郵民於官河中漉得

異米號聖米同上

九年秋淮南饑同上

懿宗咸通二年秋淮南不雨至於明年同上

七年江淮大溢同上

僖宗乾符六年二月泰州管内四縣生聖米大如芡實

雍正志

光啟元年揚州府署門屋自壞故隋之行臺門也新唐書五

行志 是年淮南蝗自西來行而不飛浮水緣城入揚州

府署竹樹幢節一夕如剪幡幟畫像皆齧去其首撲不

能止旬日自相食盡同上

二年四月有白氣頭黑如髮自東南入於揚州滅白者

戰祥也同上 九月有大星隕於揚州府署延和閣前聲

如雷光炎燭地新唐書天文志 是年揚州雨魚新唐書五行志

三年揚州大饑米斗萬錢同上

昭宗大順二年春大饑大疫死者十三四同上

南唐

烈祖昇元六年正月東都火焚數千家陸游南唐書烈祖紀

後周

世宗顯德六年宋太祖從征淮南戰於江亭有龍自水

中奮躍宋史五行志一下

宋

太祖乾德二年五月揚州暴風壞軍營舍百區六月暴

風壞軍營及城上敵棚宋史五行志五 七月泰州潮水漲壞

居民廬舍數百區溺牛畜甚眾宋史五行志一上

三年七月泰州潮水害民田同上

四年四月揚子等縣潮水害民田同上

開寶元年七月泰州潮水害稼同上

太宗太平興國四年泰州雨水害稼同上

五年水潦民饑宋史五行志五

九年揚子縣民妻生男毛被體半寸餘面長頂高烏眉

眉毛麤密近髮際有毛兩道軟長眉紫唇紅耳厚鼻大

類西域僧至二三歲畫圖以獻宋史五行志一下 案是年已改雍熙當作雍熙元年

年

雍熙二年冬江水冰同上

淳化三年十二月建安軍城西火燔民舍官廨等殆盡

宋史五行志二上

五年饑宋史五行志五

真宗咸平二年海陵縣麥秀二三穗宋史五行志二下

六年二月淮南水災宋史真宗紀二

景德二年九月淮南旱同上

大中祥符元年高郵軍民王言妻產四男宋史五行志一下

三年淮南旱

宋史真宗紀二

四年十一月楚泰州潮水害田人多溺者

宋史五行志一上

五年淮南饑

李燾長編七十九

六年二月泰州言海陵草中生聖米可濟飢

宋史真宗紀三

七年淮南饑

同上

仁宗天聖五年三月泰州地震

宋史五行志五

六年七月揚真州江水溢壞官私廬舍

宋史五行志一上

寶元二年六月旱蝗

宋史五行志一下

皇祐三年十二月泰州獲白兔

宋史五行志四

嘉祐六年七月淫雨為災

宋史五行志三上

嘉祐中高郵壁

社湖神珠見

沈括筆談

英宗治平元年高郵軍大水

宋史英宗紀一

神宗熙寧四年六月泰州獲白兔

宋史五行志四

六年淮南饑

宋史五行志五

七年淮南久旱

宋史五行志四

八年八月旱

同上

熙寧中淮西連歲蝗旱居民艱食通

泰農田中生菌被野飢民得以采食

王闢之澠水燕談

元豐二年寶應產靈芝五莖因建橋曰瑞芝

雍正志

四年七月泰州海風駕大雨漂浸州城壞公私舍數千

楹

宋史五行志三

七年揚州地藏寺殿後牡丹一莖五色雍正志

八年八月淮南水災宋史哲宗紀一

哲宗元祐四年高郵產嘉禾雙蓮駢瓜等瑞物凡十有二時連歲大稔雍正志

八年四月雨至八月晝夜不息淮南大水宋史五行志一上

紹聖元年淮南軍禾一本九穗雍正志

元符元年八月高郵軍蝗抱草死宋史五行志一下

徽宗崇寧元年淮南蝗宋史徽宗紀一

四年泰州禾生穠宋史徽宗紀二

大觀二年淮南大旱自六月不雨至於十月宋史五行志四

政和元年旱同上

五年六月泰州軍獲白兔同上

重和元年夏江淮大水宋史五行志一上

五年淮南饑宋史五行志五案重和無五年以帝紀攷之當是宣和之誤

宣和元年秋旱宋史五行志四

六年發運使開靖安河禱於神有異蛇見筵間鱗采絢

錯儀徵縣志

高宗建炎二年大蝗宋史五行志一下十一月高宗在揚州

郊祀後數日有狂人具衣冠執香鑪攜絳囊拜於行宮門外自言天遣我為官家兒書於囊紙刻於右臂皆是

語鞠之不得姓名高宗以其狂釋不問宋史五行志三

三年二月辛亥早朝有禽翠羽飛鳴行殿三匝一再止

於宰相汪伯彥朝冠宋史五行志二下

紹興元年饑淮南民流多殍死宋史五行志五

七年二月辛丑楚真揚州火宋史五行志二上

十一年饑宋史五行志五

十八年夏淮南旱繫年要錄一百三十九

二十八年九月大風水宋史五行志一上

三十二年六月蝗宋史五行志一下

孝宗乾道元年正月泰州火燔民舍幾盡宋史五行志二上

三年八月淫雨禾粟多腐宋史五行志三

淳熙二年秋旱真揚為甚宋史五行志四

三年夏四月高郵郡圃芍藥一枝五花郡守王訶以名其堂曰豐瑞雍正志

五年淮南旱宋史五行志四 泰楚高郵黑鼠食禾既宋史五行志三

六年楚州高郵軍旱宋史五行志四 泰楚高郵軍大饑人食

草木宋史五行志五

八年正月揚州火宋史五行志二上

九年七月淮甸大蝗真揚泰州嘗撲蝗五千斛宋史五行志一

十五年淮甸大雨水淮溢楚州高郵軍皆漂廬舍田稼

宋史五行 志一上

十六年三月壬寅隕石於楚州寶應縣散如火甚臭腥

宋史五行 志一下

揚州桑生瓜櫻桃生茄

宋史五行 志三

五月霖

雨同

光宗紹熙二年五月真揚泰楚高郵皆旱 宋史五行 志四 七

月高郵縣蝗至於泰州 宋史五行 志一下

三年揚州大旱 宋史五行 志四

四年秋真州漕廨東池及東園並產瑞蓮 雍正志

五年五月泰州大水 宋史五行 志一上 八月揚州獻白兔 宋史

五行 志四

寧宗慶元元年七月高郵旱飛蝗自凌塘至城皆抱草

死其腦各有一蛆食之 高郵州志

六年揚楚泰州乏食 宋史五行 志五

嘉泰元年兩淮旱 宋史寧宗紀二

開禧二年淮東饑 宋史五行 志五

嘉定元年大疫 宋史五行 志一下 雍正志

真州產芝州民來獻適州

守堂成因名曰瑞芝

二年兩淮大饑斗米錢數千人食草木淮民流於揚州

者數千家殍死日八九十人 宋史五行 志五

八年蝗食禾苗山林草木皆盡宋史五行志一下

理宗紹定四年揚州北三十二里招賢鄉有鳳凰來因

名地曰鳳凰林雍正志

淳祐二年五月兩淮蝗宋史五行志一下

十一年泰州風宋史五行志五

度宗咸淳元年二月二日真州火二十五日丑刻火午

刻復火居民燬盡僅存客館及漕臺州治雍正志

九年十一月有虎出揚州市毛微黑宋史五行志四

恭帝德祐元年揚州禁軍民毋得蓄犬城中殺犬數萬

同上

二年正月寶應縣民析薪中有天太下趙四字獻之制

置使李庭芝宋史五行志三上文文山集云予至真

有生成三字曰天下趙亟取木視之果然其字青

深半樹解揚州半樹畱真州三字瞭然不可磨也

揚州饑民相食宋史五行志四

元 世祖至元十七年三月高郵等處饑元史世祖紀八

十八年三月揚州火同上案五 四月泰州饑同上

二十二年揚州進芝草元史世祖紀十 高郵大水漂人民廬

舍元史五行志 二十六年兩淮屯田雨雹害稼元史世祖紀十一

二十九年揚州大水元史世祖紀十四

成宗大德元年揚州旱元史成宗紀二

二年十二月揚州路旱蝗同上

三年七月揚州屬縣蝗在地者為鴛啄食飛者以翅擊

死詔勿捕鴛元史成宗紀三 八月揚州饑元史五行志成宗紀作十二月

九月揚州旱元史成宗紀三

四年三月高郵府寶應縣民孫奕妻朱氏一產三男同上

五月揚州旱蝗同上

五年七月朔晝晦暴風起東北雨雹兼發江湖泛溢東起通泰崇明西盡真州民被災死者不可勝計同上 八

月江都興化等縣蝗元史五行志 高郵揚州蝗泰州揚州

高郵旱同上

六年五月揚州路蝗同上

九年六月通泰蝗同上 八月揚州饑同上

十年十一月揚州饑同上

武宗至大元年八月揚州蝗元史武宗紀一

二年揚州高郵蝗同上

仁宗延祐二年二月真州揚子縣火元史仁宗紀二案五行志作元年

四年閏月揚州饑元史仁宗紀三

六年四月揚州火燬官民廨舍二萬三千三百餘區宏簡

錄仁宗紀案 九月揚州路饑元史仁宗紀三

七年六月高郵水元史英宗紀一

英宗至治元年五月高郵旱同上 七月江都縣蝗元史五行

志英宗 八月高郵興化縣水元史英宗紀一

二年四月揚州真州火元史五行志 六月揚州屬縣旱元史

英宗紀二

三年九月揚州屬饑元史泰定帝紀一 十月揚州江都火燔

四百七十餘家同上案五行志作九月

泰定元年六月揚州路旱同上

二年五月高郵興化水元史五行志

三年五月揚州屬縣官田水元史泰定紀二 七月高郵蝗元史

五行 九月揚州屬縣水元史泰定紀二

四年正月揚州路饑同上 四月揚州屬縣饑同上 大風

海溢雍正志

文宗天祿二年興化寶應水沒民田同上

至順元年二月揚州饑元史文宗紀三 高郵寶應興化等縣

水江都兩害稼元史五行志 七月揚州路蝗元史文宗紀三

三年五月揚州江都縣水元史文宗紀五 八月江水溢高郵

之寶應興化二縣元史寧宗紀

順帝元統元年兩淮旱民大饑元史順帝紀一

重刊揚州府志 卷之七 事略六 左

至元二年高郵大雨雹

元史順帝紀二

靈芝產於江都縣南

一本九莖

雍正志

至正元年六月泰州海溢

元史順帝紀三

二年八月楊子江水一夕忽竭舟楫皆滯泥塗江底出

錢貨無數蓋覆舟所沈者人爭取之累日復通流或曰

此江嘯也

雍正志

十二年江淮蘆荻多為旗鎗人馬之狀節間折開有紅

暈成天下太平四字

同上

十五年江淮間羣鼠叢擁如山過江東去

同上

十七年揚州城中屋址徧生白菜大者重十四五斤泰

州海陵縣民劉子彬親墓木生連理

同上

明

太祖洪武六年揚州饑

明史五行志三

十一年七月揚州海溢

明史太祖紀二

二十二年七月海潮壞捍海堰

雍正志

成祖永樂七年水

明史五行志一

九年正月高郵蠶社等九湖及天長諸水暴漲六月揚

州屬縣江湖漲四日漂人畜甚眾

同上

二十一年揚州水

同上

宣宗宣德元年江都縣太和鄉獲白兔

雍正志

十年大饑明史五
行志三

英宗正統二年六月揚州大水明史稿
英宗紀

九年江潮漲溢高丈五六尺溺男女千餘人明史五
行志一

十一年江都縣上方寺產芝一本雍正
志

景帝景泰二年兩淮大水河決明史稿
景帝紀

五年五月揚州大雪竹木多凍死七月復大雪冰三尺

海水亦凍雍正
志 六月揚州湖決高郵寶應隄岸七月

大水明史五
行志一

七年六月揚州大旱蝗同

英宗天順四年揚州民婦一產五男同

七年大雨腐二麥明史五
行志二

憲宗成化三年七月海溢壞堰六十九處雍正
志

六年秋至七年春揚州大旱運河竭同

九年沙溝砦獲白兔同

十二年揚州大水明史五
行志一

十四年揚州地震明史五
行志三

十六年秋八月儀真縣黃氏井中火出高數丈雍正
志

十九年揚州饑明史五
行志三

孝宗宏治二年江都致仕知府馬岱宅產紫芝一本雍正

志

三年八月乙卯地震明史五
行志三

四年夏揚州蝗明史五
行志一

十一年揚州運司廳前古槐上烏產白雛毛羽鮮潔喙

足皆紅雍正
志

十七年江都縣民刁穆田產瑞麥寶應縣產瑞麥有至

四五歧者大學士楊一清作瑞麥歌紀之同上 淮揚饑

人相食明史五
行志三

十八年地震同上

武宗正德元年正月朔揚州河水冰結成樹木花卉之

狀民間器皿內冰合有成牡丹花形者雍正
志

三年雷擊郡學崇文閣四柱冬寒甚高郵河水冰結成

樹木花卉之形同上 揚州饑明史五
行志三

七年儀真縣火燔民居數百家人多見飛鴉銜火雍正
志

八年春三月儀真月宮菴桂樹生花同上

九年淮揚旱明史五
行志三

十三年揚州饑同上 大雨彌月漂室廬人畜無算明史
行志

十四年揚州大風拔木江海溢數十丈漂沒廬舍雍正
志

淮揚饑人相食明史武
宗紀

十五年旱明史五
行志三

世宗嘉靖元年七月揚州大風雨雹河水泛漲溺死人畜無算明史五行志一

二年七月揚州大水同上江都縣甘泉山葛氏瑩域產

五色芝十餘本泰州大水民饑疫作雍正志

七年寶應縣開越河見二龍戲射陽湖中鱗角畢露時

四面大雨獨不及工所人咸異之同上

八年六月飛蝗積者厚數寸長數十里食草木殆盡數

日飛渡江食蘆荻亦盡八月蝗復自北來羣飛蔽天其

積者綿亘百里厚尺許山行者衣履皆黃禾稼不登高郵志

州志

十一年秋儀真縣城南天火墜大如斗燔民舍及柴舟

雍正志

十三年儀真縣民鄧氏宅產芝一本三苞同上

十五年興化沈氏新塋產嘉瓜一蒂三實儀真縣蝻生

知縣楊孫仲諭民掘取積數百斛會連雨遂盡滅高郵

旱蝗不為災知州鄧誥作賞豐亭同上有流火如斗南

隕民田五月有白龍見雲中儀徵縣志十月雨

十八年閏七月海潮暴至溺死數千人泰州志

木冰儀徵縣志二十一年七月蜀岡禪智寺產靈芝九莖雍正志儀真

黑霧連日至未不解氣腥穢逐人二十步外不能相見

儀徵縣志

二十五年六月興化縣五色雲見雍正志

二十七年十月雨木冰儀徵縣志

三十一年興化縣五色雲見雍正志

三十二年饑明史五行志三

三十三年揚州旱同上

三十五年儀高寶泰俱大水興化縣仰止祠生雙穗麥

二本雍正志三月河變黑臭儀徵縣志

三十六年春三月高郵州菊有花儀真縣產白芝雍正志

三十七年七月江都縣有黑白二龍鬪於中起西南

折而東大風晝晦星見所過折樹拔屋壞縣文廟西

南角暨兩廡廟門民家器皿窗屏及津渡木梁盤舞空

中至百餘里外始墜同上九月興化縣慶雲見照池沼

爛如錦綺同上

四十年春大水平地水深數尺漂沒廬舍害田稼儀徵縣志

四十四年正月雷電交作木冰同上

四十五年四月大雷電雨雹同上

穆宗隆慶元年泰州大稔升米三錢雍正志

二年高郵地震同上

三年與化有牛生犢眼出於頂尾生於鼻上同 秋大水
海潮溢舟行城市溺死無算泰州志 冬大雪簷冰長丈

餘儀徵縣志

神宗萬厯二年八月揚州河溢傷稼明史五行志一

三年二月淮揚大水八月河決高郵上同

四年高郵清水隄決上同

五年閏八月淮河南徙決高郵寶應諸湖隄上同 都御

史潘季馴塞寶應河隄決口以蛟龍宅其中鑿舟沈鐵

夜有蛟作雷雨化去浮蛻水面雍正志

南泰州志

六年大水十二月雷上同

七年大風拔木十一月大風壞漕舟民船千餘儀徵縣志

八年洪水至泰州志

九年潦海潮漲淹死無算上同

十年十月大風壞漕舟民船數千艘雍正志 淮揚海漲

浸鹽場三十淹死二千六百餘人明史五行志一

十一年閏二月丁卯泰州寶應雨雹如雞子殺飛鳥無

算上同 夏旱大蝗有禿鶯海鴿飛而食之雍正志

十二年十月地震儀徵縣志

十三年二月丁未揚州地震江濤沸騰明史五行志三 十月

初六日夜地震雍正志

十七年十八年旱蝗相仍下河菱葑之田盡成赤地有黑鼠無數穿地食菱葑根經野燒並為灰土田多不耕而墾興化柴場中忽生菌民多取以為食同上

十九年冬十月揚州湖淮漲溢決邵伯隄五十餘丈高

郵南北俱衝明史五行志一

二十一年高郵寶應大水決湖隄同上

二十五年揚州雨黑豆泰州雨粟雨毛雍正志案州志作二十四年

二十八年二月大雪兼雨雹泰州志

二十九年二月二十九日將昏南方大雹并雪北方雲

赤色同上

三十六年儀真大水市可行舟雍正志

四十三年二月己卯地震明史五行志三

四十四年七月揚州蝗明史五行志一土鼠千萬成羣夜銜

尾渡江絡繹不絕幾一月方止明史五行志二

四十五年旱蝗飛蔽天入民室牀帳皆滿泰州志

四十六年夏旱蝗九月二十日黎明東南有白氣冲天

日出不見凡十餘日十一月彗星見東方下破軍星五尺光芒拂北斗同上

熹宗天啟元年天寧寺烏巢生白鴉隊距皆赤雍正志

三年十二月揚州地震是時儀真有男子衣五色紙衣論者以為服妖同上

懷宗崇禎元年九月地震瓦屋動搖有聲儀徵縣志

四年興化大水是年冬有民見春初所下穀種結實水中爭取食之雍正志

五年饑流殍載道明史五行志三

六年洊饑有夫婦雉經於樹及投河者同上

七年江溢漂沒無算儀徵縣志

十一年儀真城西地裂長數丈濶數尺屋宇傾壞雍正志

十一年春儀真雨黑子如豆同上 泰州旱蝗冬無雪赤

光亘天泰州志

十三年大旱飛蝗食草木竹葉皆盡斗米銀四錢江儀民掘蜀岡下黃白土食之高郵民亦於土山掘石屑食

之名曰觀音粉雍正志 西方紅氣亘天至冬不變儀徵縣志

十五年泰州雨雹破人屋廬雍正志

十六年四月有黑氣自北而南其長竟天儀徵縣志

國朝順治二年泰州麥秀兩歧雍正志

七年揚州旱同上

十年大旱饑高郵州志

十一年江都有龍亘天麟甲皆見雲皆成五色光輝照

人咸以為太平之應雍正志

十八年江都伐木造船木中有觀音女士像眉目如畫

同上

康熙元年御史鄭為光宅產芝同上

四年江都雨雹有大如斗者高郵大風湖漲水湧城市

有水怪長丈餘形色白東向去舟觸之輒壞同上

五年五月朔有霜泰州志

六年八月儀徵蝗入境不傷禾十一月有四龍見城西

年大稔雍正志

七年夏六月揚州地震同上

十年淮水漲清水潭隄決田盡沒高郵州志

十一年有虎入高郵境渡湖居人擒之是年清水潭復

決有巫言曰耿侯賜爾民魚俄而上下河魚忽湧出人

爭取之市中魚一斤直錢一文雍正志

十八年十月高郵大水民饑水田忽生草曰三稜有老

嫗教民取食賴以全活者數萬秋江都有鳥大如鷓毛

羽五采集舊城中移時乃去同上

十九年江都麥秀兩歧有一莖三五穗者同上

二十一年興化縣民韓日昇妻孫氏一產三男同上

二十二年有虎至江都黃珏橋踞民間竹園一日而去

同上

三十五年七月颶風霖雨水暴至高郵南水關決高郵州志

三十八年六月高寶湖水漲漫邵伯河隄決壞民廬舍雍正志

四十四年二月十七日高郵湖中見一山樹木屋宇森

然可望同上

四十六年

仁廟南

巡揚州居民錢氏家黃楊樹枝生連理同上

五十四年自春徂秋作雷雨中下田俱淹高郵州志

五十六年高郵湖中見城郭樓臺人民塵市歷歷如畫

雍正志

五十九年泰州諸生王晉原家產紫芝一本同上

雍正七年七月江都瓜洲草龍港忽集蝗蝻無數知縣

陸朝璣同營弁往捕蝗皆自投於江不損禾苗歲大稔

同上

十年江都縣四境皆雨豆七月泰州風雨大作壞屋拔

木江海溢同上

十二年大風壞屋海潮溢同上

十三年秋大水冬雨黑豆同上

乾隆元年正月高郵湖珠現秋水成災高郵州志

五年五月大風霾有白龍旋舞雲中驟雨傷禾上同
七年七月開五壩堵南北水關上下兩河田廬盡沒上同

夏秋淫雨漕隄決漂溺廬舍鹽法志

十一年七月大風拔木秋水成災高郵州志

十二年七月大風潮淹損通淮泰屬鹽場男婦丁口鹽法志

十八年七月西風暴緊六漫牖界首西隄居民被衝車
邏壩石脊封土前後決開六十餘丈嗣是諸壩齊開上
下河田盡淹屋廬飄洶無算高郵州志

二十年五六月連雨四十餘日水暴漲沒田民食草根

樹皮石屑上同

二十一年大水大疫東臺志稿

二十四年正月高郵湖珠現七月又現夏大旱蝗六月

一夕大雨蝗盡滅秋水成災高郵州志

二十九年三月地震屋宇皆動秋大水儀徵續志

三十一年十二月風沙發民廬舍城南玉虛閣災延及
民廬時有星如瓜光芒四射上同

三十三年大旱蝗東臺志稿

三十六年正月高郵湖珠現高郵州志十二月儀徵北城

樓火越三日沙漫洲火焚鹽艘客舟傷人無算儀徵續志

四十六年正月高郵湖珠現十一月鄉民于志學妻管

氏一產三男高郵州志十二月大雷雨儀徵縣志

五十年東臺大旱三月至明年二月方雨民饑東臺志稿

五十四年十二月二十七日夜雷雨儀徵續志

五十五年五月大風暴雨起城西壞樓櫓官廨學舍坊

表牆垣屋樹皆易故處同上

五十九年何柴場竈民田中黍稽數百株結成太平壽

字東臺志稿

嘉慶元年富安場民陳鳳兆年八十五世同堂同上

四年七月大風海溢范公隄決淹民舍田禾同上

十年大旱六月海潮溢五塘決漂沒田廬同上

十二年二月竈民成文秦妻陸氏一產三男同上

十三年大水秋荷花塘決同上

十四年五月趙家柴民丁鴻彝年九十五世同堂同上

重修揚州府志卷之七十

重修揚州府志卷之七十

